

春秋經傳集解

冊九

春秋經傳集解昭公一第二十

昭公名裊。襄公三子。母齊歸。在位二十五年。遜于齊。在外八年。凡三十三年。薨于乾侯。諡法威儀。

恭明曰昭。

杜氏註



盡三年

經元年春王正月公即位。無傳。叔孫豹會晉趙武。楚公

子圍。齊國弱。宋向戌。衛齊惡。陳公子招。蔡公孫歸生。

鄭罕虎。許人。曹人。于號。招實陳侯母弟。不稱弟者。義與莊二十五年公子友同。今

讀舊書。則楚當先晉。而先書趙武者。亦取宋盟貴武之信。故尚之也。衛在陳蔡上。先至於會。○招常遙反。

號瓜百反。當先悉薦反。三月取鄆。不稱將帥。將卑師少。書取言易也。○鄆音運。夏秦

伯之弟鍼出奔晉。稱弟罪秦伯。○鍼其廉反。六月丁巳邾子華卒。

無傳三 晉荀吳帥師敗狄于大鹵。大鹵大原晉陽縣如字又音

秦秋莒去疾自齊入于莒。國逆而立之曰莒莒展輿出

奔吳。弑君賊未會諸侯故不稱爵叔弓帥師疆鄆田。春取其封疆葬

邾悼公。無冬十有一月己酉楚子麇卒。楚以瘧疾赴故不書弑○

麇倫反楚公子比出奔晉。書名罪之

傳元年春楚公子圍聘于鄭且娶於公孫段氏伍舉

為介。伍舉椒舉介副也將入館。就客舍鄭人惡之。知楚懷詐惡烏路反○

使行人子羽與之言乃館於外。舍城外既聘將以衆逆

以兵入子產患之使子羽辭曰以敝邑褊小不足以

容從者請墀聽命。欲於城外除地為墀行昏禮○褊必淺反墀音善令尹命

大宰伯州犁對曰。君辱貺寡大夫圍。謂圍將使豐氏

撫有而室。豐氏公孫段圍布几筵。告於莊共之廟而來。莊

圍之祖共王圍之父。若野賜之。是委君貺於草莽也。是寡大夫

不得列於諸卿也。言不得不寧唯是。又使圍蒙其先

君。蒙欺也。告先君而來。不得成禮。將不得為寡君老

大臣稱老懼辱命而黜退。其蔑以復矣。唯大夫圖之。子羽曰。小國

無罪。恃實其罪。恃大國而無將恃大國之安靖己。而

無乃包藏禍心以圖之。小國失恃而懲諸侯。使莫不

憾者。距違君命而有所壅塞不行。是懼。言己失所恃

以距君命。壅塞不行。是懼。不然。敝邑館人之屬也。館人守其敢

春秋經傳集解 卷二十一 中華書局聚

愛豐氏之祧。祧他祖廟。○伍舉知其有備也。請垂橐

而入。垂橐示無弓衣也。許之。正月乙未入。逆而出。遂會

於號。號鄭地。尋宋之盟也。宋盟在襄二十七年。祁午謂趙文子曰

宋之盟。楚人得志於晉。得志謂先敵午祁所洽反。今令尹之

不信。諸侯之所聞也。子弗戒。懼又如宋。恐楚復得志。子木

之信。稱於諸侯。猶詐晉而駕焉。駕猶陵也。詐謂衷甲。○衷音忠。況不

信之尤者乎。尤甚也。楚重得志於晉。晉之恥也。子相晉

國。以為盟主。於今七年矣。襄二十五年始為政。以春言故云七年。○重直用反。

再合諸侯。襄二十五年會夷儀。三合大夫。襄二十七年會于宋。

及三十年會澶淵。服齊狄。寧東夏。襄二十八年齊侯白狄朝晉。平秦

亂襄二十六年秦晉為成城淳于襄二十九年城祀遷都師徒不頓

國家不罷民無謗讟讟講也諸侯無怨天無大災子之

力也。有令名矣。而終之以取。午也是懼。吾子其不可

以不戒。文子曰。武受賜矣。言受午然宋之盟。子木有禍

人之心。武有仁人之心。是楚所以駕於晉也。今武猶

是心也。楚又行僭僭不非所害也。武將信以為本。循

而行之。譬如農夫。是穰是藎。穰耘也。壅苗為藎。雖有

饑饉。必有豐年。言耕鋤不以水旱息必獲豐年之且

吾聞之。能信不為人下。吾未能也。自恐未詩曰。不僭

不賊。鮮不為則信也。詩大雅僭不能為人則者不為



人下矣。吾不能是難。楚不為患。楚令尹圍請用牲。讀

舊書。加于牲上而已。舊書宋之盟書。楚恐晉先敵。故欲從舊書加于牲上。不敵血。經

○所以不書盟。晉人許之。三月甲辰盟。楚公子圍設服

離衛。設君服。二人執戈陳也。叔孫穆子曰。楚公子美矣。

君哉。美服似君。鄭子皮曰。二執戈者前矣。禮國君行有二執戈者在前。

蔡子家曰。蒲宮有前。不亦可乎。為公子圍在會。特緝蒲為王殿屋。屏蔽以自

殊異。言既造王宮而居之。雖服君服無所恠也。楚伯州犁曰。此行也。辭而假

之。寡君。言聞諸大夫譏之。故過鄭行人揮曰。假不反矣。將言

遂為伯州犁曰。子姑憂子皙之欲背誕也。襄三十年。鄭子皙殺

伯有。背命放誕。將為國難。言于且自子羽曰。當璧猶

在假而不反。子其無憂乎？軒在昭十三年言弃疾有疾。

當璧之命。圍雖取國。猶將有難不無憂也。齊國子曰：吾代二子愍矣。國子國弱。

也。二子謂王子圍及伯州犂。圍此冬便篡位。不能自終。州犂亦尋為圍所殺。故言可愍。陳公子

招曰：不憂何成？二子樂矣。言以憂生事事成。而樂。樂音洛。衛齊子

曰：苟或知之，雖憂何害？齊于齊惡言先知為備。雖有憂難無所損害。宋合

左師曰：大國令小國共，吾知共而已。能共承大國命。不

恭音晉樂王鮒曰：小旻之卒章善矣，吾從之。小旻詩其

卒章義取非唯暴虎馮河之可畏也。不敬小人亦退。危殆。王鮒從斯義，故不敢譏議公子圍。鮒音付。退

會子羽謂子皮曰：叔孫絞而婉。反絞謂切也。譏其似君。宋

左師簡而禮。無所滅。曰否。故曰禮。否音鄙。樂王鮒字而敬。



人字愛也。不犯凶。所以自愛敬。子與子家持之。子皮子家蔡公孫歸生持之。言無所取。

與皆保世之主也。齊衛陳大夫其不免乎。國子代人

憂。子招樂憂。齊子雖憂弗害。夫弗及而憂。與可憂而

樂。與憂而弗害。皆取憂之道也。憂必及之。大誓曰。民

之所欲。天必從之。逸書。樂音洛。三大夫兆憂。憂能無至乎。

兆開憂也。言以知物。其是之謂矣。物類也。察言以知禍福。類八年陳招殺大子。

國弱齊惡。當身各無患。季武子伐莒。取鄆。兵未加莒而鄆服。故書取而不言伐。莒

人告於會。楚告於晉曰。尋盟未退。尋弭兵。而魯伐莒。

瀆齊盟。瀆慢也。請戮其使。時叔孫豹在會。欲戮之。樂桓子相趙文

子。桓子樂王欲求貨於叔孫而為之請。使請帶焉。指難。

求貨故以帶為辭。○而為去聲。弗與梁其蹇曰：貨以藩身子何愛焉。

○蹇叔孫家臣。定反。叔孫曰：諸侯之會，衛社稷也。我以貨免。

魯必受師。必言不戮其使。是禍之也。何衛之為人之有。

牆以蔽惡也。喻己為國衛。牆之隙壞，誰之咎也。咎在

衛而惡之，吾又甚焉。罪甚。雖怨季孫，魯國何罪。怨季

莒，叔出季處有自來矣。吾又誰怨。季孫守國，叔孫出

此戮也。然鮒也賄，弗與不已。召使者裂裳帛而與之。

曰：帶其褊矣。言帶褊盡，故裂裳示不相逆。趙孟聞之曰：臨患不忘。

國忠也。謂言魯國何罪。思難不越官信也。謂言叔出季處，

圖國忘死貞也。謂不以貨免。謀主三者義也。三者忠信貞。有是

四者又可戮乎。并義而四乃請諸楚曰魯雖有罪其執事

不辟難。執事謂叔孫畏威而敬命矣。謂不辟戮不敢子若免之以

勸左右可也。若子之羣吏處不辟汚。汚勞事出不逃難

不苟免其何患之有。患之所生汚而不治難而不守所

由來也。能是二者又何患焉。不靖其能其誰從之。靖安

賢能則衆附從魯叔孫豹可謂能矣。請免之以靖能者。子會

而赦有罪。魯不伐又賞其賢。赦叔孫諸侯其誰不欣焉。望

楚而歸之。視遠如邇。疆場之邑一彼一此何常之有。

言今衰世疆場無定主王伯之令也。言三王五伯有令德時引其封疆。正引

也正而樹之官。樹立也立官以守國舉之表旗。表貴賤而著之

制令。為諸侯不得相侵法過則有刑猶不可壹於是乎

虞有三苗。三苗危者夏有觀扈。觀國今頓丘衛縣書序曰

啓與有扈戰于甘商有妣邳。二國商諸侯邳今下邳

反周有徐奄。二國皆嬴姓書序曰成王自無令王諸

侯逐進。逐猶也狎主齊盟其又可壹乎。疆弱無常故更

恤大舍小足以為盟主。大謂篡弑滅亡之禍又焉用之。焉用治

焉反封疆之削何國蔑有主齊盟者誰能辯焉。辯治

吳濮有釁楚之執事豈其顧盟。吳在東濮在南今建

也莒之疆事楚勿與知諸侯無煩不亦可乎莒魯爭

鄆為日久矣苟無大害於其社稷可無亢也。亢禦與音預

又音苦浪反去煩宥善莫不競勸子其圖之固請諸楚

楚人許之乃免叔孫令尹享趙孟賦大明之首章明大

詩大雅首章言文王明明照於下故能赫赫盛於上令尹意在首章故特稱首章以自光大○去起呂反

趙孟賦小宛之二章小宛詩小雅二章取其各敬爾儀天命不又言天命一去不可

復還以事畢趙孟謂叔向曰令尹自以為王矣何如

問將能對曰王弱令尹彊其可哉言可雖可不終趙

孟曰何故對曰彊以克弱而安之彊不義也安於勝君是彊

而不不義而彊其斃必速詩曰赫赫宗周褒姒滅之

彊不義也詩小雅褒姒周幽王后幽王惑焉而行不義遂至滅亡言雖赫赫盛彊不義足以滅

之○滅如令尹為王必求諸侯晉少懦矣懦乃弱也○字詩作威

諸侯將往。若獲諸侯。其虐滋甚。也。滋益。民弗堪也。將何

以終。夫以疆取。以取不道。不義而克。必以為道。以為不義道。

以淫虐。弗可久已矣。為十三年楚。靈王傳。夏四月。趙孟叔孫

豹。曹大夫入于鄭。過會罷鄭。鄭伯兼享之。子皮戒趙孟。戒享。

期禮終。趙孟賦瓠葉。受所戒禮畢。而賦詩瓠葉。詩小雅。義取古人。不以微薄廢禮。雖

瓠葉兔首。猶與賓客享之。瓠戶故反。子皮遂戒穆叔。且告之。告以趙瓠

葉。穆叔曰。趙孟欲一獻。瓠葉詩。義取薄物。而以一獻。子其從

之。子皮曰。敢乎。言不敢。穆叔曰。夫人之所欲也。又何不

敢。夫人。趙孟。扶音夫。及享。具五獻之籩豆於幕下。朝聘之制。大國之卿。

五趙孟辭。趙孟自以今非。聘鄭故辭。五獻私於子產。語曰。武請於冢。



宰矣。謂宰子皮請。乃用一獻。趙孟為客。禮終乃宴。會

公侯享宴皆折俎。不體薦。○折之設反。穆叔賦鵲巢。有鵲巢而鳩居之。喻

晉君有國。趙孟曰：武不堪也。又賦采芣。亦詩召南義。取芣菜薄物。

可以薦公侯享其信。不求其厚也。曰：小國為繫。大國省穡而用之。其

何實非命。穆叔言小國微薄猶繫菜。大國能省愛用。之而不棄則何敢不從命。穡愛也。○省所

所反。又子皮賦：野有死麕之卒章。野有死麕詩。召南卒章曰：舒而脫脫

兮。無感我悅兮。無使我也。脫脫安徐。悅佩巾。義取君子徐以禮來。無使我失節。而使狗驚吠。喻趙孟以

義撫諸侯。無以非禮相加。趙孟賦常棣。常棣詩。小雅。陵。○脫吐外反。悅始銳反。趙孟賦常棣。取其凡今之

人莫如兄弟之國。且曰：吾兄弟比以安。虜也可使無吠。

受子皮反。下詩同。穆叔子皮及曹大夫興拜。兄弟國興。比毗志反。

也。起舉兕爵曰：小國賴子，知免於戾矣。兕爵所以罰不敬言小國蒙趙

孟德比以安自飲酒樂。趙孟出曰：吾不復此矣。不復見此

樂○〔樂〕音洛天王使劉定公勞趙孟於潁，館於雒汭。

〔復〕去聲下同王周景王定公劉夏潁水出陽城縣雒汭在河南鞏縣南水曲流為汭。○〔勞〕去聲下同。〔潁〕音潁。劉子

曰：美哉禹功，見河維而明德遠矣。微禹，吾其魚乎。吾

與子弁冕端委以治民臨諸侯，禹之力也。弁冕冠也。端委禮衣。

言今得共服冠冕有力子盍亦遠績禹功而大庇民乎。

勸趙孟使對曰：老夫罪戾是懼焉，能恤遠，吾儕偷食。

朝不謀夕，何其長也。言欲苟免目前劉子歸以語王。

曰：諺所謂老將知而毫及之者也。八十曰耄，耄亂其趙

孟之謂乎。為晉正卿以主諸侯而儕於隸人。朝不謀

夕。言其自比於賤人。而無恤民之心。弃神人矣。民為神主。不恤神怒。神怒

民叛。何以能久。趙孟不復年矣。言將死。不復見明年。神怒不敵

其祀。民叛不即其事。祀事不從。又何以年。為此冬趙孟卒起本。

叔孫歸。號會。曾天御季孫以勞之。旦及日中。不出。恨季

孫伐莒。使曾天謂曾阜。曾阜。叔孫家臣。曰。旦及日中。吾知罪

矣。魯以相忍為國也。忍其外。不忍其內。焉用之。楚欲受

是忍其外。日中不出。是忍其內。阜曰。數月於外。言叔孫勞役在外。數月。數所主反。

一旦於是庸何傷。賈而欲贏。而惡躑乎。言譬如商賈求贏利者不

得惡諛躑之聲。○賈音古。惡為。路反。下同。躑許驕反。又五高反。阜謂叔孫曰。可以出